



**UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI**

RAIFFEISEN BANKA
ž.r. 1610450036820073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj: 1409/08

Banja Luka, 25.05.2008.

**MINISTARSTVO FINANSIJA I TREZORA BiH
SARAJEVO**

Trg BiH 1.

Predmet: Izdavanje dokaza i uvid u račune stare devizne štednje – traži se

Poštovani,

U više navrata smo ukazivali na opšte poznate činjenice da je veći broj naših članova, vlasnika stare devizne štednje, a prije svih oni koji su izbjegli i protjerani iz svojih domova u toku ratnih zbivanja, ostao bez originalnih dokaza o staroj deviznoj štednji, ostali su bez štednih knjižica. Njihove štedne knjižice su izgorile, uništene ili jednostavno nestale u ratnom vihoru.

Navedene činjenice nisu čudne nikome, a kamoli poznavacima situacije u Bosni i Hercegovini u periodu od 92. do 95. godine.

Međutim, veoma je čudno nešto drugo. To je činjenica da velika masa tih nesretnika, ni danas, trinaest godina nakon rata ne može dobiti valjane pisane dokaze o svojoj staroj deviznoj štednji.

U borbi za sprečavanje vlasnika stare devizne štednje da dođu do svoje imovine izgleda da su dozvoljena sva sredstva pa tako i ne izdavanje pisanog dokaza o staroj deviznoj štednji.

Obično se podaci saopštavaju usmeno uz napomenu mogućnosti da se može "izvršiti verifikacija", a pisani dokumenti se ne izdaju iz prostog razloga što se mogu koristiti u postupku pravne zaštite, što uključuje i sudske postupke.

Molimo Vas da pismenim upustom naložite svim institucijama koje raspoložu podacima o staroj deviznoj štednji da su obavezni da izdaju kopije štednih knjižica ili druge pisane dokaze vlasnicima te štednje što uključuje vrstu devize, iznos i druge relevantne dokaze.

Zato apelujemo na vas da, cijeneći navedene razloge, u okviru svojih nadležnosti preduzmete sve kako bi podaci iz dokumentacije o staroj deviznoj štednji bili dostupni vlasnicima i nasljednicima vlasnika. Na to Vas obavezuju i odredbe Zakona o slobodi pristupa informacijama, a na taj način ćete pomoći u ostvarivanju ljudskih prava građana i rasvjetljavanju eventualno počinjenih krivičnih djela i izvjesno je spriječiti njihovo dalje činjene, na čemu se unaprijed zahvaljujemo.

S poštovanjem,

Za Upravni odbor

PREDSJEDNIK

Svetozar Nišić

Dostavljeno:

1. OHR-u;
2. Parlamentarnoj skupštini BiH;
3. Savjetu ministara BiH;
4. Vladi Federacije BiH i Vladi RS;
5. Jan-Paul Costa, predsjednik Evropskog suda za ljudska prava
6. Tery Davis, generalni sekretar Vijeća Evrope,
7. Tomas Hamerberger, komesar za ljudska prava pri Vijeću Evrope,
8. Tužilaštvu BiH;
9. SIPA Finansijsko obavještajno odjeljenje i
10. Mediji.